

**SESSIONI STRASURDINARIA DI U 2026  
RIUNIONI DI U 1MU DI GHJUGNU DI U 2026**

**N° 2026/M4/20**

**MUZIONI**  
*(CÙ DUMANDA D'ESAMI PRIURITARIU)*

**DIPUSITATA DA : CHJAMA À L'UNITÀ, GHJUVENTÙ DI U STC,  
SCELTA PATRIOTTA È VOCE NAZIUNALE**

**UGHJETTU : LOTTA ISTITUZIUNALE**

---

**CUNSIDERENDU** chì u prucessu di discussione hè statu principiatu da l'anzianu Ministru di l'Internu francese Gérald Darmanin cù l'idea d'affucà una rivolta popolare purtata da a giuventù dopu à l'agressione murtale d'Yvan Colonna.

**CUNSIDERENDU** u documentu firmatu da u Presidente di u Cunsigliu Esecutivu di Corsica u 16 di marzu 2022, chì ingagia l'istituzione di a Corsica in u prucessu dettu di «Beauvau ».

**CUNSIDERENDU** a muzione N°2022/M3/02 aduttata da l'Assemblea di a Giuventù u 20 d'aprile 2022 «Mezzi da mette in piazza à prò di u bracciu di ferru cù u Statu».

**CUNSIDERENDU** e rivendicazione purtate in carrughju da a giuventù mentre u veranu di u 2022: Ghjustizia è Verità per Yvan Colonna ; libertà per tutti i patriotti ; soluzione pulitica per a Corsica.

**CONSIDERENDU** u rapportu N°2023/E4/172 «AUTUNUMIA» aduttatu da l'Assemblea di Corsica u 5 di lugliu 2023.

**CONSIDERENDU** a scrittura custituzionale negoziata l'11 di marzu 2024 trà una delegazione d'eletti di a Corsica è u governu francese.

**CONSIDERENDU** u raportu N°2024/01/073 aduttatu u 27 di marzu 2024 da l'Assemblea di Corsica «Prughjettu di scritte custituzionale in u quadru di a revisione di a Custituzione cunsacrata à a Corsica».

**CONSIDERENDU** a risoluzione N°2024/02/02 di l'Assemblea di Corsica di u 27 di marzu 2024 « Dumandendu sulennamente à u Presidente di a Republica di presentà u più prestu pussibile à u Parlamentu u prughjettu di revisione custituzionale relativa à a Corsica ».

**CONSIDERENDU** l'avisu sfavurevule resu u 25 di marzu 2024 da l'Assemblea di a Giuventù nant'à u rapportu N°2024/01/073 «Prughjettu di scritte custituzionale in u quadru di a revisione di a Custituzione cunsacrata à a Corsica» chì sclude a ricunniscenza di u populu corsu, a cuufficialità di a lingua corsa è u statutu di residente.

**CONSIDERENDU** i voti di 1983, 1988, 2000 è 2015 di l'Assemblea di Corsica ricunniscendu l'esistenza di u populu corsu.

**CONSIDERENDU** a muzione N°2022/M3/14 aduttata da l'Assemblea di a Giuventù dumandendu a ricunniscenza di u populu corsu in u quadru di e discussione dettu di «Beauvau».

**CONSIDERENDU** a muzione N°2025/M4/16 «Statutu di residente» adduttata à l'unanimità da l'Assemblea di a Giuventù.

**CONSIDERENDU** a muzione N°2025/M4/14 «Niguziazioni nova di l'accordi di Beauvau » aduttata da l'Assemblea di a Giuventù.

**CONSIDERENDU** i risultati elettorali territoriali dapoi u 2015 chì anu messu indiscutibilmente cun evidenza u Muvimentu Naziunale à u putere.

**CONSIDERENDU** a speranza di pace iniziata da l'affacata di i nazionalisti à u putere in u 2015, in cunituità di a scelta d'appaciamentu di u Fronte di Liberazione Naziunale di a Corsica, in u scopu d'una suluzioni pulitica assicurata pà a Corsica è u so populu.

**CUSTATENDU** u blucchime istituzionale chì mette in periculu ogni avanzata pulitica à prò di l'emancipazione di a Corsica

## **L'ASSEMBLEA DI A GHJVENTÙ**

**DICHJARA** u populu corsu solu maestru di u so destinù à nome di u dirittu di i populi à dispone d'elli stessi ricunnisciutu da a Carta di e Nazione Unite di u 1945.

**AFFERMA** a so vulintà d'ottene una soluzione pulitica chì permette una pace durevule in Corsica.

**RAMMENTA** ch'una di e cundizione indispensevule d'una pace durevule hè l'amnistia di tutte e persone cundannate o perseguite per fatti pulitichi durante u periodu di cunflittu oghjincu.

**AFFERMA** chì solu un'evoluzione custituzionale chì permette una vera autonomia legislativa, a ricunniscenza di u populu corsu, di a so lingua è u so dirittu à l'autodeterminazione pò permette u primu passu versu di una pace durevule.

**RAMMENTA** à l'eletti di Corsica chì a lotta istituzionale deve esse garante d'una surtita demucratca è appaciata d'un cunflittu seculare.

**DUMANDA** à l'Assemblea di Corsica di rivendicà a ratificazione, da a Francia, di a Carta europea di e lingue minoritarie.

**DUMANDA** à l'Assemblea di Corsica di rivendicà a ratificazione, da a Francia, di a Cunvenzione-quadru per a prutezzione di e minorità nazionali.

**MANDA** l'Assemblea di Corsica à urganizà un evenimentu diplomaticu incù a presenza di delegazione di rappresentanti di parechji stati, nazione senza stati è di l'ONU per purtà a nostra lotta à u livellu internazionale è fà ricunnosce i nostri diritti nazionali.

**DUMANDA** à l'eletti di Corsica chì discorenu incù u Statu francese di rivendicà a scrizzione in a Custituzione francese di un referendum d'autodeterminazione pè i Corsi

**MANDA** l'Assemblea di Corsica à urganizà da quì à 2036 un referendum d'autodeterminazione.

**DUMANDA** à l'Assemblea di Corsica di cumpone un corpu elettorale

**DUMANDA** à l'eletti di l'Assemblea di Corsica d'apre una strada versu à l'emancipazione.

**DUMANDA** chì l'Assemblea di Corsica deliberighji in u sensu d'una soluzione pulitica è pigli tutte e dispusizione necessarie à un raportu di forza trà l'istituzioni di a Corsica è quelle di a Republica francese

**DUMANDA** à a Cullettività di Corsica d'appieca a cuufficialità di a lingua corsa ind'è a so amministrazione è di cundiziunà l'impieghera à u so maneghju.

**DUMANDA** à a Cullettività di Corsica di sustene e cumune di Corsica per mette in ballu u statutu di residente pigliendu in cunsiderazione i Corsi d'altrò chì volenu vultà.

**AFFERMA SULENNAMENTE** a so vulintà d'apre una strada di pace è di demucrazia purtendu versu à l'emancipazione.

**CHJAMA SULENNAMENTE** l'eletti di Corsica à apre una tappa nova di a lotta istituzionale.

